

Die sieben Geschworenen von Triesen und die Einwohner die-
ser Gemeinde geben mit Wissen und Willen des Ammanns Jakob
Spiegel von Triesen dem Knecht Hensli Gassner, einem
Walliser auf Triesenberg, die Alp Drâsgmiel in der
Valûna als Erblehen für sechs Pfund Konstanzer Münz als Ehr-
schatz und unter der Bedingung eines jährlichen Zinses von einem
Pfund Konstanzer Münze.

Wir die siben aydsverren¹ ze disen ziten. Vnd die nächgebur alle
gemainlich ze trisen. Die von alter da gewesen, sesshaft als won-
haft sind Rich / vnd arm, Wie wir denn namen händ. vergehin vnd
tûgin kunt, offenlich an dem brief, aller menneglichem. Daz wir alle,
glichlich mit gûter / Vorbetrachtunge mit Einander willen, vnd wis-
sent. Mit willen, Rât wissenn, vnd hand, des fromen beschaiden,
jacob Amman spiegels² ze trisen, / Ze den ziten vnd
tagen Do wir es och mit Recht, kreffteclich wol getûn mohten, habin
gelihen, Recht vnd Redlich jemer mere ze Rechtem Ewigem / Erblehen
vnd nach Erblehens Recht für vñsselb, für alle Vnser erben, vnd nah-
komen. Dem Erbern kneht henslingâsner³, wallisern Vff tris-
ner-/berg, vnd allen sinen erben ob er enwäre. Vnser aygen
Alppli Daz hut ze tag Drâsgmiel⁴ genant. Och Eben ledig, los.
vnd vff trisnerberg / In der Alpp Vallûlen⁵ gelegen ist, stost
ainhalb an den haïdbûhel. Dannenabhin jn den Ersten March-
stain der daselbs ze Rechtem vnderschaide / gesetzt ist. von dem selben
marchstain entzwerhs her bis jn den andern marchstain, mit dem loch.
gat denn aber von dem lochrechten march / stain durahs volle heran
vntz jn den Brûnnen. von dem Brunnen vff vntz jn den marchstain
an Der Egg⁶. Dannen fürsich vf, bis jn den / grât. vnd denn den grât
hinan wider Vntz jn den haïdbûhel⁷. Vnd ist och dis Ewig vnser
hinlassen, vnd verlihen des obgenantenn / Alpplis jn Vallûl⁵, In
den finantzen Zaychen, vnd Marchen als vorgschriben stat. mit gründ,
mit grat, mit Wune, wayd zwyen, Wasen / holtz Vnd Veld, mit stôkk,
mit stainen, stegen, wegen, Wassern vnd Brûnen, mit allen Ehaftinen,
gûten gewonhaiten, Rehtungen, Fruhtenn / nützzen vnd zûgehörungen,